

**Bosna i Hercegovina
Parlamentarna skupština
Bosne i Hercegovine
Dom naroda
Ustavno-pravna komisija**

Broj: 02/1-011-198/01
Sarajevo: 17.04.2001.godine.

ZAPISNIK

sa druge radne sjednice Ustavno-pravne komisije Doma naroda Parlamentarne skupštine Bosne i Hercegovine, održane 17.04.2001.godine.

Sjednica je počela sa radom u 10:00 sati.

Sjednici su prisustvovali članovi komisije: Sejfudin Tokić, Šefik Džaferović, Niko Sušac, Dragutin Rodić i Nikola Špirić.

Odsutnost je opravdao Ivo Živković.

Pored članova komisije sjednici su prisustvovali i predstavnici Vijeća ministara BiH u svojstvu predlagača i predstavnici Stranke za BiH i SDA, također u svojstvu predlagača zakona. Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Sejfudin Tokić.

Za sjednicu je predložen i usvojen sljedeći

DNEVNI RED:

1. Usvajanje Zapisnika sa konstituirajuće i prve Radne sjednice Ustavno-pravne komisije Doma naroda;
2. Nacrt zakona o osnivanju i registriranju institucija, organizacija i udruga BiH;
3. Nacrt zakona o važnosti javnih isprava u BiH;
4. Nacrt zakona o športu (predlagači zastupnici i izaslanici prethodnog saziva: Sejfudin Tokić, Ivo Divković, Ivo Lozančić, Ristan Ristić, Mugdin Herceg);
5. Nacrt zakona o izmjenama i dopunama Zakona o Vijeću ministara Bosne i Hercegovine; (predlagač Vijeće ministara BiH)
6. Nacrt zakona o udrugama i fondacijama Bosne i Hercegovine (predlagač Vijećeministara BiH);
7. Prijedlog zakona o pravima etničkih i nacionalnih zajednica ili manjina (predlagač zastupnik prethodnog saziva Ibrahim Spahić);
8. Prijedlog zakona o Crvenom križu BiH (predlagač zastupnik prethodnog saziva Edhem Bičakčić);
9. Prijedlog zakona o konkurenciji (predlagač Vijeće ministara BiH);
10. Prijedlog zakona o arhivskoj građi i Arhivu Bosne i Hercegovine (predlagač Predsjedništvo BiH);
11. Amandmani na Ustav BiH- predlagač delegat Ibrahim Spahić;
12. Građansko-pravna konvencija protiv korupcije (Predsjedništvo BiH ratifikacija);
13. Krivično-pravna konvencija protiv korupcije (Predsjedništvo BiH ratifikacija);

14. Konvencija Međunarodne organizacije rada broj:182. o najgorim oblicima iskorištavanja dječijeg rada (Predsjedništvo BiH ratifikacija);
15. Sporazum između Vijeća ministara Bosne i Hercegovine i Saveznog Vijeća Švicarske o ponovnom prihvatu državljana Bosne i Hercegovine i državljana Švicarske (S porazum o ponovnom prihvatu);
16. Ugovor o državnoj granici između Bosne i Hercegovine i Republike Hrvatske, kao i Mišljenje – Informacija o Ugovoru o državnoj granici između Republike Hrvatske i BiH i Sporazumu o prioritetima u provedbi Ugovora;
17. Ugovor o socijalnom osiguranju između Bosne i Hercegovine i Republike Hrvatske;
18. Dopunski protokol uz Konvenciju o zabrani ili ograničavanju uporabe određenih vrsta klasičnog oružja koja se mogu smatrati uzročnicima prekomjernih traumatskih efekata ili imaju neselektivno djelovanje;
19. Ugovor o financiranju između BiH i Europske investicione banke broj:20.515 – Projekat za ceste u BiH;
20. Nacrt zakona o imovini BiH
21. Nacrt zakona o osnovama prometa nekretninama u BiH;
22. Nacrt zakona o međudržavnom i međuentitetskom drumskom transportu;
23. Nacrt zakona o ugovorima o prijevozu u drumskom transportu;
24. Nacrt zakona o osnovama bezbjednosti prometa na cestama;
25. Nacrt zakona o državnim cestama BiH;
26. Nacrt zakona o međudržavnom i međuentitetskom željezničkom transportu;
27. Nacrt zakona o ugovorima o prijevozu u željezničkom transportu;
28. Nacrt zakona o osnovama bezbjednosti željezničkog transporta;
29. Nacrt zakona o unutarnjoj i pomorskoj plovidbi;
30. Nacrt zakona o međudržavnim i međuentitetskim komunikacijama;
31. Nacrt zakona o financiranju željezničke infrastrukture (od tačke 20 do 31 kao i tačke 2. i 3. - predlagač zastupnik prethodnog saziva g. Haris Silajdžić);
32. Nacrt zakona o izmjenama i dopunama Zakona o vanjskom dugu (predlagač Vijeće ministara BiH);
33. Nacrt zakona o vanjskotrgovinskoj komori Bosne i Hercegovine (predlagač Vijeće ministara BiH);
34. Prijedlog zakona o pošti (predlagač zastupnik prethodnog saziva Tarik Čaršimamović);
35. Prijedlog Zakona o praznicima BiH (predlagač delegat Sejfudin Tokić)

Ad.1. Usvajanje Zapisnika sa konstituirajuće i prve Radne sjednice Ustavno-pravne komisije Doma naroda.

Zapisnici sa konstituirajuće i prve radne sjednice Ustavno-pravne komisije Doma naroda Parlamentarne skupštine BiH su jednoglasno usvojeni.

Ad.2. Nacrt zakona o osnivanju i registriranju institucija, organizacija i udruga BiH.

O ovoj tački dnevnog reda odgođene je rasprava iz razloga što su četiri člana komisije tražili pismenu obavijest od strane grupe poslanika Stranke za BiH o preuzimanju

zakonskih projekata u svojstvu ovlaštenog predlagača, koje je uputio u parlamentarnu proceduru poslanik u predhodnom sazivu Haris Silajdžić. Jedan član komisije je bio suzdržan.

Ad.3. Nacrt zakona o važnosti javnih isprava u BiH

U raspravi o ovoj tački dnevnog reda komisija je donijela zaključak da se odgodi rasprava o zakonskom tekstu iz razloga koji su navedeni u Ad.2.

Ad.4. Nacrt zakona o športu

U raspravi o ovoj tački dnevnog reda učestvovali su svi prisutni članovi komisije. Komisija je zaključila sa tri glasa Za i dva glasa Protiv, u osnovnom zakonodavnom postupku komisijske faze da je tekst zakona podnešen od ovlaštenog predlagača, da je u skladu sa Ustavom BiH, i da se može uputiti u dalju proceduru.

Ad.5. Nacrt zakona o izmjenama i dopunama Zakona o Vijeću ministara Bosne i Hercegovine

Komisija je jednoglasno odlučila u osnovnom zakonodavnom postupku komisijske faze, da je Zakon podnešen od ovlaštenog predlagača, da je u skladu sa Ustavom BiH i da se može uputiti u dalju proceduru.

Ad.6. Nacrt zakona o udrugama i fondacijama Bosne i Hercegovine

U raspravi o ovoj tački dnevnog reda učestvovali su svi prisutni članovi komisije kao i predlagač zakona ispred Vijeća ministara BiH. Komisija je sa tri glasa Za i dva glasa Protiv u osnovnom zakonodavnom postupku komisijske faze zaključila da je zakon stigao u parlamentarnu proceduru od ovlaštenog predlagača i da je u skladu sa Ustavom BiH, te da se može uputiti u dalju parlamentarnu proceduru.

Ad.7. Prijedlog zakona o pravima etničkih i nacionalnih zajednica ili manjina

Predlagač zakona delegat u Domu naroda Parlamentarne skupštine BiH Ibrahim Spahić je obrazložio Prijedlog zakona. Komisija je jednoglasno prihvatila u osnovnom zakonodavnom postupku komisijske faze da je tekst zakona podnešen od ovlaštenog predlagača, da je u skladu sa Ustavom BiH, te predlaže da se uputi u daljnju parlamentarnu proceduru.

Ad.8. Prijedlog zakona o Crvenom križu BiH

Komisija je odložila raspravu o ovoj tački dnevnog reda dok se grupa poslanika Stranke demokratske akcije pismeno ne izjasni da preuzima prijedlog zakona o Crvenom križu BiH čiji je predlagač bio Edhem Bičakčić, poslanik Predstavničkog doma Parlamentarne skupštine BiH u predhodnom sazivu.

Ad.9. Prijedlog zakona o konkurenciji

U raspravi o ovoj tački dnevnog reda komisija je sa četiri glasa Za i jednim Suzdržanim glasom u osnovnom zakonodavnom postupku komisijske faze odgodila raspravu dok se Vijeće ministara BiH ne izjasni u pismenoj formi o zakonskom tekstu.

Ad.10. Prijedlog zakona o arhivskoj građi i Arhivu Bosne i Hercegovine

U raspravi o ovoj tački dnevnog reda komisija je u osnovnom zakonodavnom postupku komisijske faze jednoglasno zaključila da odgodi raspravu o ovoj tački dnevnog reda iz razloga što predlagač zakona nije bio prisutan.

Ad.11. Amandmani na Ustav BiH

Komisija je u osnovnom zakonodavnom postupku komisijske faze jednoglasno zaključila da su Amandmani na Ustav BiH upućeni od ovlaštenog predlagača i da postoji ustavni osnov, te da se mogu uputiti u dalju proceduru.

Ad.12. Građansko-pravna konvencija protiv korupcije

Komisija je jednoglasno zaključila u osnovnom zakonodavnom postupku komisijske faze da je konvencija podnešena od ovlaštenog predlagača koji je i obrazložio konvenciju na samoj sjednici komisije, te da postoji ustavni osnov za ratifikaciju konvencije i predlaže Domu naroda da da saglasnost za ratifikaciju iste.

Ad.13. Krivično-pravna konvencija protiv korupcije

Komisija je u osnovnom zakonodavnom postupku komisijske faze jednoglasno zaključila da je prijedlog Odluke za ratifikaciju upućen od ovlaštenog predlagača, da postoji Ustavni osnov za ratifikaciju i preporučuje se Domu naroda da da saglasnost za ratifikaciju konvencije.

Ad.14. Konvencija Međunarodne organizacije rada broj:182. o najgorim oblicima iskorištavanja dječijeg rada

Komisija je u osnovnom zakonodavnom postupku komisijske faze jednoglasno zaključila da je prijedlog Odluke za ratifikaciju upućen od ovlaštenog predlagača, da postoji Ustavni osnov za ratifikaciju i preporučuje se Domu naroda da da saglasnost za ratifikaciju konvencije.

Ad.15. Sporazum između Vijeća ministara Bosne i Hercegovine i Saveznog Vijeća Švicarske o ponovnom prihvatu državljana Bosne i Hercegovine i državljana Švicarske (S porazum o ponovnom prihvatu)

Komisija je u osnovnom zakonodavnom postupku komisijske faze odgodila raspravu o ovoj tački dnevnog reda iz razloga što ovlašteni predlagač nije bio prisutan na sjednici komisije.

Ad.16. Ugovor o državnoj granici između Bosne i Hercegovine i Republike Hrvatske, kao i Mišljenje – Informacija o Ugovoru o državnoj granici između Republike Hrvatske i BiH i Sporazumu o prioritetima u provedbi Ugovora

Komisija je u osnovnom zakonodavnom postupku komisijske faze odgodila raspravu o ovoj tački dnevnog reda iz razloga što ovlašteni predlagač nije bio prisutan na sjednici komisije.

Ad.17. Ugovor o socijalnom osiguranju između Bosne i Hercegovine i Republike Hrvatske

Komisija je u osnovnom zakonodavnom postupku komisijske faze odgodila raspravu o ovoj tački dnevnog reda iz razloga što ovlašteni predlagač nije bio prisutan na sjednici komisije.

Ad.18. Dopunski protokol uz Konvenciju o zabrani ili ograničavanju uporabe određenih vrsta klasičnog oružja koja se mogu smatrati uzročnicima prekomjernih traumatskih efekata ili imaju neselektivno djelovanje

Komisija je u osnovnom zakonodavnom postupku komisijske faze jednoglasno zaključila da je prijedlog Odluke za ratifikaciju dopunskog protokola uz konvenciju podnešen od ovlaštenog predlagača, da je u skladu sa Ustavom BiH i preporučuje se Domu naroda da da saglasnost za ratifikaciju.

Ad.19. Ugovor o financiranju između BiH i Europske investicione banke broj:20.515 – Projekat za ceste u BiH

Na sjednici komisije Ugovor je obrazložio predstavnik Vijeća ministara BiH i komisija je jednoglasno zaključila da je u parlamentarnu proceduru došao od ovlaštenog predlagača, da je u skladu sa Ustavom BiH, te da se preporučuje Domu naroda da da saglasnost za ratifikaciju istog.

Ad.20. - Ad.31.

Komisija je odgodila raspravu o tačkama dnevnog reda 20. do 31. koje je u parlamentarnu proceduru uputio poslanik u Predstavničkom domu Parlamentarne skupštine BiH predhodnog saziva Haris Silajdžić, dok se Ustavno-pravnoj komisiji Doma naroda Parlamentarne skupštine BiH u pismenoj formi ne dostavi obavijest od strane grupe poslanika Stranke za BiH da preuzimaju zakone Harisa Silajdžića kao ovlašteni predlagači.

Ad.32. Nacrt zakona o izmjenama i dopunama Zakona o vanjskom dugu

Komisija je u osnovnom zakonodavnom postupku komisijske faze odgodila raspravu o ovoj tački dnevnog reda, iz razloga što ovlašteni predlagač nije bio prisutan na sjednici komisije.

Ad.33. Nacrt zakona o vanjskotrgovinskoj komori Bosne i Hercegovine

Komisija je u osnovnom zakonodavnom postupku komisijske faze odgodila raspravu o ovoj tački dnevnog reda, iz razloga što ovlašteni predlagač nije bio prisutan na sjednici komisije.

Ad.34. Prijedlog zakona o pošti

Komisija je sa četiri glasa Za i jednim glasom Protiv u osnovnom zakonodavnom postupku komisijske faze odgodila raspravu o prijedlogu Zakona o pošti koji je u parlamentarnu proceduru dostavio poslanik Predstavničkog doma Parlamentarne skupštine BiH u predhodnom sazivu Tarik Čaršimović, dok ga grupa poslanika SDA ne preuzme kao ovlašteni predlagač i o tome Komisiju ne obavjesti u pismenoj formi.

Ad.35. Prijedlog Zakona o praznicima BiH

Članovi komisije su jednoglasno u osnovnom zakonodavnom postupku komisijske faze zaključili da je tekst zakona podnešen od ovlaštenog predlagača, da je u skladu sa Ustavom BiH i da se može uputiti u dalju proceduru kao i dostaviti Predsjedništvu BiH i Vijeću ministara BiH radi davanja mišljenja.

Sjednica je završila sa radom u 12:00 sati.

Sekretar
Ustavno-pravne komisije
Aljoša Čampara s.r.

Predsjedavajući
Ustavno-pravne komisije
Sejfudin Tokić s.r.